

L'amassada generala de l'IEO los 22 e 23 d'abril de 2023 a Rodés

L'amassada generala venenta de l'institut d'estudis occitans, aculhida per la seccion d'Avairon (IEO12), se debanarà a Rodés los 22 e 23 d'abril de 2023 dins la sala de conferéncia del Centre cultural (25 avenguda Victor-Hugo, 12 000 Rodés).

Totes los aderents de l'IEO son convidats a assistir a l'amassada generala, moment fòrt important dins la vida democratica de nòstra associacion. L'amassada generala es dubèrta a tots los aderents, personas fisicas e morales (associacions aderentas) al jorn de lor cotisacion. Cada aderent a una votz e pòt, en mai, èsser mandat per 10 autras personas. Lo bilanç de l'annada passada i serà presentat per votacion, e las activitats e accions per l'annada a venir i seràn discutidas e decididas. L'AG serà tanben aquesta annada lo moment de votar per un novèl conselh d'administracion, qu'es elegit totes los dos ans. Las candidaturas son dubèrtas e benvengudas.

Las sesilhas se tendràn lo dissabte aprèp-miègjorn e lo dimenge matin, e una serada festiva es organizada per l'IEO12.

LUÒC : SALA DE CONFERÉNCIA DEL CENTRE CULTURAL

La session se debanarà al centre de Rodés, dins la sala de conferéncia del Centre Cultural del Conselh departamental. Se tròba dins lo bastiment dels arquijs departamentals, 25 avenguda Victor-Hugo, entre lo musèu Pierre Soulages e la catedrala. **En bus** : De la gara SNCF, bus linha C, direccion Place Foch, arrest « Amphithéâtre ». Lo Centre cultural-Arquijs departamentals se tròba a 300 m en montant vèrs la catedrala. **En veitura** : lo parking lo mai pròche es lo parking josterran « parking du Foiral », jol musèu Pierre Soulages e « l'Esplanade des Ruthènes ».

PROGRAMA

Dissabte 22 d'abril

14 h – 18 h 30 : primièra sesilha de l'AG

13 h 30 : Acuelh e inscripcion a la Sala de conferéncia del Centre Cultural.

14 h – 14 h 15 : dichas de benvenguda.

14 h 15 – 15 h 45 : presentacion e vòte dels rapòrts d'activitat e financièr.

15 h 45 – 16 h 15 : pausa

16 h 15 – 18 h 00 : sesilha de trabalh : las activitats de l'IEO

- Presentacion per los membres del burèu de la situacion actuala de l'IEO, de son organizacion de trabalh e de sas activitats.
- Discussion, orientacions generalas per l'annada que ven, votacion del budget previsional.

18 h 10 – 18 h 30 : candidaturas al conselh d'administracion. Clavadura de la sesilha.

serada : serada dinatòria e festiva, amb la participacion del cantaire e musicair Arnaud Cance. Inscripcion prealabla necessària (veire « serada »).

Dimenge 23 d'abril

9 h – 12 h 30 : segonda sesilha de l'AG

8 h 30 : acuelh a la Sala de conferéncia del Centre Cultural.

9 h – 12 h : sesilha de trabalh tematica e sintèsi

- La conferéncia dels presidents de seccions departamentalas : rescontre amb los presidents presents.
- Projècte de concors de corals occitanas (consituccion del grop de pilotage)
- Las relacions entre l'IEO e las institucions nacionalas e internacionalas, lo projècte « European Language Equality » (ELE)
- La comunicacion de l'IEO

- proposicions dels adherents per l'annada que ven
- Sintèsi de las orientacions per l'annada venenta.

12 h – 12 h 30 : Presentacion dels candidats al CA de l'IEO e eleccion. Clavadura de l'AG.

Dinnar liure

SERADA DINATÒRIA LO 22 D'ABRIL

Una serada dinatòria, al prètz de 20 €, es organizada dins la sala de seminari de *l'Hôtel du Midi*, a costat de la catedrala de Rodés, amb la participacion del cantaire e musicaire Arnaud Cance.

NB : per de questions d'organizacion, la reservacion es necessària alprèp de l'IEO 12 (lo pagament se farà sus plaça).

IEO Avairon : ieo.aveyron@gmail.com

tel. 06 74 75 45 77

ALBERGAMENT

L'informacion generala sus las possibilitats d'albergament se pot trapar a l'Ofici de torisme de Rodés (www.rodez-tourisme.fr), place de la Cité 12000 Rodez. tel. 05 65 75 76 77.

De mai, l'IEO Avairon a obtengut una tarifa preferenciala per los participants a l'AG a l'Hôtel du Midi, ont se debanarà la sera del 22 al ser.

Nuech+serada dinatòria+desjunar : 58 € per persona en cambra dobla (lièch doble o bessons)
78 € per persona en cambra simpla

L'ostalariá, amb una possibilitat de parcatge, es en plen centre de la vila, en fàcia de la catedrala, e a 400 m del luòc de l'amassada generala.

Hôtel du Midi, 1-12 rue Béteille, 12000 Rodez <https://hotel-du-midi.net/>

NB : per de questions d'organizacion, la pre-reservacion es necessària alprèp de l'IEO 12 (lo pagament se farà sus plaça). IEO Avairon : ieo.aveyron@gmail.com tel. 06 74 75 45 77

CANDIDATURA AL CONSELH D'ADMINISTRACION

Las candidaturas al conselh d'administracion se pòdon far en linha sus lo ligam HELLOASSO (veire « Contacte »), o al moment de l'AG.

PODERS

Se podètz pas èsser present a l'AG, es possible de participar en donant poder a un autre adherent de l'IEO, sia en linha, sia en donant lo poder al participant (çai jos), que lo deurà portar a l'AG.

Poder per l'amassada generala de l'Institut d'estudis occitans 22 e 23 d'abril de 2023 a Rodés

Ieu, sossignat(da)

NOM : _____ Pichon nom : _____

aderent de la seccion departamentala : _____

balhi poder a

NOM : _____ Pichon nom : _____

aderent de la seccion departamentala : _____

per me representar a l'amassada generala 2023 de l'IEO lo 22 d'abril lo 23 d'abril

A, _____ lo _____ Signatura :

INSCRIPCION E CONTACTES

- Ligam HELLOASSO per se marcar a l'AG, balhar poder, far candidatura al CA :

<https://www.helloasso.com/associations/institut-d-etudes-occitanes/evenements/acampada-general>

- Proposicions, questions diversas : direccion@ieo-oc.org / 06 34 16 63 90
- site internet de l'IEO : <http://ieo-oc.org/>